

**NJOFTIM**  
**Nr. 216/2, datë 2.9.2026**

**PËR BANKAT E NIVELIT TË DYTË PËR TË PARAQITUR OFERTA PËR  
NORMËN E INTERESIT TË KREDISË STUDENTORE**

Në mbështetje të nenit 11, pika 1/c, të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”; të germës “c”, të pikës 3, të VKM-së nr. 397, datë 3.5.2017, “Për organizimin dhe funksionimin e Agjencisë Kombëtare të Financimit të Arsimit të Lartë”; si dhe të vendimit të Këshillit të Ministrave nr. 440, datë 19.7.2023, “Për përcaktimin e skemës së kreditimit studentor”, të ndryshuar:

**Agjencia Kombëtare e Financimit të Arsimit të Lartë (AKFAL) fton bankat e nivelit të dytë të interesuara të paraqesin ofertë për normën e interesit për kredinë studentore, sipas kushteve të skemës së kreditimit studentor, të përcaktuara në VKM-në nr. 440, datë 19.7.2023, të ndryshuar.**

Sipas skemës së kreditimit studentor, studentët të cilët plotësojnë kushtet kanë të drejtë të përfitojnë kredi studentore për financimin e kostos së studimeve, ku një pjesë e normës së interesit të kredisë (jo më shumë se pesë pikë përqindjeje) do të financohet nga buxheti i shtetit.

Kreditimi i studentëve do të realizohet nga banka/bankat e nivelit të dytë, të cilat do të përzgjidhen me procedurë konkurrimi. Procedurat, rregullat e përzgjedhjes dhe të renditjes së bankave të nivelit të dytë, si dhe procedurat e ankimit realizohen sipas Kodit të Procedurës Administrative. Të gjitha bankat e nivelit të dytë, për t’u kualifikuar duhet të plotësojnë kriteret e përgjithshme dhe të veçanta.

**Renditja e ofertave të bankave do të bëhet nga komisioni i vlerësimit dhe i renditjes, që ngrihet nga AKFAL-ja, i cili do të rendisë ofertat e administruara, sipas normës më të ulët të interesit.**

Për sa më sipër:

Ftojme çdo bankë të nivelit të dytë të paraqesë ofertën e saj, dorazi ose me postë, brenda **15 ditëve kalendarike nga data 2 shtator 2026.**

Ofertat paraqiten në zarf të mbyllur, të specifikuar për protokollin me shënimin: *“të mos hapet deri në datën e caktuar”*, në adresë të Agjencisë Kombëtare të Financimit të Arsimit të Lartë, *adresa: rruga “Naim Frashëri”, nr. 37, Tiranë.*

Dokumentet bashkëngjitur ofertës duhet të dorëzohen kopje origjinale ose të noterizuara, sipas anekseve më poshtë:

- Aneksi 1: Lista e dokumenteve të nevojshme për aplikim;
- Aneksi 2: Formulari tip i aplikimit;
- Aneksi 3: Deklarata për pranimin e kushteve të përcaktuara në VKM-në nr. 440/2023, të ndryshuar;
- Aneksi 4: Formulari tip i deklarimit të konfliktit të interesit.

**ANEKS 1**  
**LISTA E DOKUMENTEVE TË NEVOJSHME PËR APLIKIM**

Përbën shkak skualifikimi, mungesa e dokumentacionit, sipas kriterëve të përgjithshme dhe të veçanta.

| <b>Kritere të përgjithshme të kualifikimit</b>                                                                                                                         |
|------------------------------------------------------------------------------------------------------------------------------------------------------------------------|
| Banka ofertuese duhet të paraqesë dokumentacionin vërtetues, si më poshtë:<br>1. Dokumentin e licencimit për të ushtruar veprimtari bankare në Republikën e Shqipërisë |

- nga Banka e Shqipërisë (kopje e noterizuar);  
 2. Ekstrakti nga Qendra Kombëtare e Biznesit;  
 3. Vërtetim për shlyerjen e detyrimeve tatimore për vitin 2026;  
 4. Formularin e ofertës sipas aneksit 2.

**Kritere të veçanta të kualifikimit**

1. Deklarata për dakordësinë mbi kushtet e parashikuara në VKM-në nr. 440/2023, të ndryshuar, sipas aneksit 3.  
 2. Deklaratë e bankës së nivelit të dytë mbi disponimin e infrastrukturës së nevojshme për ofrimin e shërbimit të disbursimit të kredisë studentëve, menjëherë pas nënshkrimit të çdo marrëveshjeje midis bankës dhe studentit përfitues.

Bankat e nivelit të dytë duhet të dëshmojnë se i plotësojnë kriteret e përgjithshme dhe të veçanta, duke dorëzuar dokumentet përkatëse, sipas thirrjes publike.

Në rast të mosplotësimit të një prej kriterëve, aplikimi konsiderohet i paplotë dhe, si i tillë, nuk kualifikohet.

E drejta e ankimit mund të ushtrohet nga bankat e nivelit të dytë, brenda 5 (pesë) ditëve, nga data e njoftimit dhe shpalljes së renditjes nga Komisioni i Vlerësimit dhe Renditjes, në rrugë postare pranë AKFAL-së.

**ANEKS 2**

**FORMULARI TIP PËR APLIKIMIN E BANKAVE TË NIVELIT TË DYTË**

| <b>TË DHËNA TË PËRGJITHSHME TË BANKËS SË NIVELIT TË DYTË</b>                                                                                                                                                                                                                                                                                                                                                                                 |               |                                                  |
|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------|--------------------------------------------------|
| <b>PËRFAQËSUESI LIGJOR:</b>                                                                                                                                                                                                                                                                                                                                                                                                                  |               |                                                  |
| Numri i identifikimit personal të përfaqësuesit (sipas kartës së identitetit/pasaportës):<br>_____                                                                                                                                                                                                                                                                                                                                           |               |                                                  |
| Banka e nivelit të dytë<br>_____                                                                                                                                                                                                                                                                                                                                                                                                             | NIPT<br>_____ | Akti i licencimit<br>Nr. _____, datë _____.____. |
| Adresa e selisë:                                                                                                                                                                                                                                                                                                                                                                                                                             |               |                                                  |
| <b>Propozimi i normës së interesit për kredinë studentore:</b><br><br>Norma vjetore fikse e interesit: ( _____ ) %<br>Vlera e shpenzimeve administrative bankare: ( _____ ) në lekë<br>Komisioni i disbursimit të kështit: ( _____ ) në % ose në lekë.<br>Normë efektive e interesit: ( _____ ) %                                                                                                                                            |               |                                                  |
| <b>Deklaroj vërtetësinë e të dhënave dhe dokumenteve të paraqitura. Jam i/e vetëdijshëm, se, në rast deklarimi të të dhënave të pavërteta, apo të paraqitjes së dokumenteve të falsifikuara, apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Autorizoj MA-në dhe/ose AKFAL-në për trajtimin e të dhënave të mia personale në kuadër të aplikimit tim.</b> |               |                                                  |

## KËRKUESI

\_\_\_\_\_  
*Emri Mbiemri, nënshkrimi, vula*

Email: \_\_\_\_\_

Nr. cel.: \_\_\_\_\_

### ANEKS 3

#### DEKLARATË PËR PRANIMIN E KUSHTEVE TË PËRCAKTUARA NË VKM-në NR. 440/2023, TË NDRYSHUAR

Deklaruesi: \_\_\_\_\_

Unë \_\_\_\_\_, në pozicionin \_\_\_\_\_ dhe përfaqësues ligjor i bankës së nivelit të dytë \_\_\_\_\_, deklaroj se Banka është dakord dhe pranon të jetë pjesë e skemës së kreditimit studentor, duke plotësuar kushtet e parashikuara në VKM-në nr. 440/2023, të ndryshuar, për kontratën bankë–student, e konkretisht:

a) *Kredia studentore jepet pa kolateral fizik;*

b) *Kredia studentore jepet për mbulimin e kostove vetëm për ndjekjen e një programi studimi;*

c) *Financimi i kredisë bëhet me këste, të paktën dy herë në vit. Financimi i këstit të parë për çdo vit akademik duhet të realizohet pas konfirmimit nga institucioni i arsimit të lartë, që studenti kredimarrës ka frekuentuar procesin mësimor. Financimi i kësteve pasardhëse realizohet pas konfirmimit nga institucioni i arsimit të lartë, që studenti kredimarrës ka shlyer tarifën vjetore të shkollimit të atij viti akademik dhe ka frekuentuar procesin mësimor;*

ç) *Shlyerja e detyrimeve financiare nga studenti kredimarrës fillon jo më herët se kohëzgjatja normale e programit të studimit, për të cilin studenti ka nënshkruar kontratën e kredisë, por me kërkesë të studentit kredimarrës, shlyerja e detyrimeve financiare mund të realizohet dhe para përfundimit të kohëzgjatjes normale të studimeve;*

d) *Norma e interesit të kredisë studentore të jetë më e ulët se norma mesatare e interesit për kreditë konsumatore, të dhëna nga institucioni kredidhënës për 2 (dy) vjetët e fundit, përfshirë vitin në të cilin jepet kjo kredi;*

dh) *Norma e interesit të kredisë të jetë e pandryshueshme gjatë gjithë kohëzgjatjes së kontratës së kredisë.*

Nënshkrimi \_\_\_\_\_

*Emri Mbiemri, nënshkrimi, vula*

### ANEKS 4

#### FORMULARI I DEKLARIMIT TË KONFLIKTIT TË INTERESIT

Deklaruesi: \_\_\_\_\_

Unë, \_\_\_\_\_, në pozicionin e \_\_\_\_\_ dhe të përfaqësuesit ligjor të bankës së nivelit të dytë \_\_\_\_\_, deklaroj se nuk jam në kushtet e konfliktit të interesit, që parashikon ligji nr. 9367, datë 7.4.2005, “Për parandalimin e konfliktit të interesave në ushtrimin e funksioneve publike”, të ndryshuar, dhe aktet nënligjore në fuqi, që mund të cenojë zhvillimin e drejtë të procesit të përzgjedhjes së aplikimeve për financimin e normës së interesit.

Kjo deklaratë është hartuar më datë \_\_\_\_ . \_\_\_\_ . 2026.

Nënshkrimi \_\_\_\_\_

*Emri Mbiemri, nënshkrimi, vula*